

SAOPŠTENJE ZA MAŠINOVOĐE

Sarajevo,13.12.2010/19:30

Danas, oko 15:30 u Rajlovac Depou otpočeli su pregovori između Uprave Društva Željeznice FBiH na čelu sa Izvršnim direktorom za željezničke operacije g. Puzić Nijazom (Gen.direktor ne želi razgovarati sa masom) i ostalim saradnicima.

Nakon kratkih pregovora, susret je prekinut zbog naglog pogoršanja zdravstvenog stanja predsjednika Sindikata mašinovođa g. Vernesa Buljugije kojem mu je pružena ljekarska pomoć u CUM-u u Sarajevu. Na njegovo insistiranje vratio se na pregovore i kao „zastupnik-pregovarač“ ispred radnika, po zanimanju mašinovođe, predložio uslove koje Uprava Društva treba da riješi i time se dobiju pozitivni rezultati konačne ocjene nastalog „radnog spora“.

Uslovi su: Hitno povući ispostavljena rješenja o suspendovanju za deset mašinovođa, staviti van snage donesenu odluku o uvođenju jednoposjeda i traži se odgovornost Uprave Društva koja je nezakonito donijela ovu odluku koja je uzrok i generator nastale krize.

Uprava Društva se povukla u zgradu direkcije i organizovala konferenciju za novinare. Iz, do sada objavljenih vijesti i informacija, situacija nije optimistična jer „obe“strane ne popuštaju od svojih zahtjeva. Prema informacijama u vijestima BHT1 Dnevnika, Gen.direktor ostaje pri donesenim odlukama i „nada“ se da će večeras biti pokrenut željeznički saobraćaj, a pod kojim uslovima nije se htio izjasniti.

Obavještavamo mašinovođe i sve uposlenike Željeznice Federacije BiH da će Vernes Buljugija i Munir Spahić, kao lideri dva sindikata, večeras u 22:30 sati učestvovati u emisiji „Tema dnevnika“ na FTV-u. Možda će se tada dobiti određene ocjene mogućeg rješenja u izlasku nastalog stanja.

[Informativna služba sms-fbh.ba](mailto:informativna.sluzba@sms-fbh.ba)